

20 июне  
1940 ары  
№ 49 (95)

Номерлэн дуныз 5 коп.

# ВЫЛЬ УЛОН

2-ти АРЭЭ ПОТЭ

ВКП(б)-лэн УАССР-ысь  
Понино Райкомезлэн  
но Райсоветлэн  
газетыс.



СССР-лэн Оборонаезлэн Народной Комиссарез, Советской Союзлэн Маршалез, Советской Союзлэн Героез С. Т. Тимошенко.



Советской Союзлэн Героез Плотников Александр Григорьевич (Челябинской областысь бывшой колхозник).

## Красной Армии-- достойной пополнение

Арысь-аре советской калык аслэстыз лучшей пиоссэ доблестной Красной Армии келя асьмелэсь мирной трудмес но сясыкасыкись родинамес възьманы.

Красной Армии служить карон котькуд егит патриотлэн мылкыд каронез луэ. Призывлэсь азвыл ик районсытмы военкоматэ егит пиослэн куриськон'ёссы вуыло со озы военной училищесы дышетскыны пырыны шуса.

Егит патриот'ёслэн мумайыоссы ветлыло военкоматэ но сёт'яллыло куриськон'ёс соослэн пиоссылы Всеобщей войнской о б я з а н н о с т ь закон'я сётэм льготасы отказтон сярысь.

Районсытмы калыклэн выль сознательностьсы луэ—соос пöлын политико-массовой уж нуэмен. Та уез нуонын выдажшой ролен партийной но комсомольской организациос луизы. Арысь-аре районмы армие физически здоровой, грамотной но культурной боец'ёссэ сэтэ. Асьме пиосмы призывлэсь азвыл армие мыныны асьсэлы бадзым тодонлык дасяло.

Туэ май толэзылэн 10-тй числосын 19-тй числоозяз 9 нунал'ем допризывник'ёслы сбор вал, со с б о р ы н ортчызтмын политзаятиос Западной Европаын положение, ВКП(б) ЦК-лэн Мартовской пленумезлэн решениосыз, СССР-лэн Верховной Советезлэн VI Сессияз кутэм решениосыз сярысь. Озы ик бадзым уж лэстытмын значкист'ёсты дасынын но. Азвыл ар'ёсын значкист'ёс кöня ке процент гинэ лыд'ясыкылызы, нош али соос туж трослы будйзы ни. Туэ призыве зачислять карем егит'ёс ПВХО значкист'ёс 76 процентэз луэ, ВС—49, ГТО—31 но ГСО—76 процентэз лыд'яське. Призыв азелы районсытмы допризывник'ёс Ескин Николай Ва-

ильевич, Золотарев Илья Кириллович но трос мукет'ёсыз быдэн 4 оборонной значок'ёслы нормаос сдать каризы.

Та показател'ёс эшшо но лучшей луысалзы, если ванмыз ик комсомольской но осовахиновской организациос та бадзым государственной уж борды сер'ёзно куткысалзы. Районмес допризывной подготовка тужгес но бере кельто куд-огез допризывник'ёс но.

Трос на тырмытэос неграмотной но малограмотной допризывник'ёсты дышетон'я. Кылсарысь, Кунаев Алексей Иванович, Лукин Вячеслав но Харин Александр Артемьевич асьсэлэсь неграмотностьсэс но малограмотностьсэс ликвидировать карыны уг сюлмасько, коть-кыче причина шедьто дышетсконьсы паланскыны. Соосты котькудэ умой дышетисьёс комсомолец'ёс борды прикрепить карыны кулэ, чтобы очередной призыв дыр'я одиг призывник но неграмотноен но малограмотноен медаз лыкты призывной комиссие.

Призывник'ёс пöлын перво-степенной значение—политико-массовой уез развернуть карон луэ. Политико-массовой уез пасыкты нуыса комсомольской организациос добиться кариськоно луо, чтобы котькуд призывник производстоын мед луоз стахановец, школаез быдэстись—дышетсконьын „отличник“. Соос котьку но общественной ужын участвовать кароно луо. Комсомольской организациослэн задаказы — призывник'ёслэсь лучшей частьсэс ВЛКСМ-лэн радаз пыртон. Та ласынь тодыны кулэ Ворошилов эшлэсь кыл'ёссэ, что комсомол армияын „Золотой фондэн“ луэ.

## СССР-лэн Народной Комиссар'ёсызлэн Советазы но ВКП(б)-лэн Центральной Комитетаз

### Всесоюзной сельскохозяйственной выставка сярысь

1940 арын Всесоюзной Сельскохозяйственной Выставкалэн участник'ёсызны премиос но наградаос сярысь

СССР-лэн Народной Комиссар'ёсызлэн Советсы но ВКП(б)-лэн Центральной Комитетэз **постановить каризы:**

1. Колхоз'ёслы, совхоз'ёслы, машинно-тракторной станцияслы, колхозной животноводческой фермаослы 1940 арын Всесоюзной Сельскохозяйственной Выставкан асьсэлэн ужылысь самой умоесь образц'ёссэ возматэмзы понна таке пöртэм наградаос тупатыны:

- 1-тй степенен 500 диплом'ёс,
- 2-тй степенен 2000 диплом'ёс.

Нырысетй степенен диплом басытись колхоз'ёс, совхоз'ёс, машинно-тракторной станцияос но колхозной животноводческой фермаос сонн чöш ик 10 сюрс манет коньдон но автомашина премия басыто.

Кытэтэти степенен диплом басытись

колхоз'ёс, совхоз'ёс машинно-тракторной станцияос но колхозной животноводческой фермаос сонн чöш ик 5 сюрс манет коньдон но мотоцикл премия басыто.

2. Тупатэно, что Всесоюзной Сельскохозяйственной Выставкалэн участник'ёсыз—колхоз'ёслэн председател'ёссы, машинно-тракторной станцияослэн но совхоз'ёслэн директор'ёссы, сельской хозяйстволэн специалист'ёсыз но передовик'ёсыз, куд'ёсыз ужылысь умоесь образц'ёссэ возматэмзы, наградыть каремын луозы Всесоюзной Сельскохозяйственной Выставкалэн медальёсыныз, куд'ёсыз присуждаться карисько Главной Выставочной Комитетэн.

3. Всесоюзной Сельскохозяйственной Выставкалы та мында медальёс юматэно:

**ВСХВ-лэн зарни медальёсыз**

500 Бадзымесь зарни медальёс,  
1000 Пичиесь зарни медальёс.

Зарни медальёсын наградыть каремт'ёс сонн чöш ик коньдон премия басыто: Бадзым зарни медаль басытку—3000 манет премия; Пичи зарни медаль басытку—2000 манет премия.

**ВСХВ-лэн азвесь медальёсыз**

2000 Бадзымесь азвесь медальёс,  
5000 Пичиесь азвесь медальёс.

Азвесь медальёсын наградыть каремт'ёс сонн чöш ик басыто коньдон премия: Бадзым азвесь медаль басытку—1000 манет премия; Пичи азвесь медаль басытку—500 манет премия.

### Всесоюзной Сельскохозяйственной Выставкаез 1941 арлы но кельтон сярысь

Сельской хозяйстволэн вань отрасл'ёссыз выль урожай басытон понна, пудо вордонлэсь продуктивност'ёсэ жутоон понна колхоз'ёс кустын машинно-тракторной станцияос, совхоз'ёс, машинно-тракторной станцияос, научной организациос кустын, озы ик район'ёс, област'ёс, край'ёс но республикаос кустын социалистической соревнованиез азыланын пасыкытон выльы СССР-лэн Народной Комиссар'ёсызлэн Советсы но ВКП(б)-лэн Центральной Комитетэз **Постановить каризы:**

1. Всесоюзной Сельскохозяйственной Выставкаез 1941 арлы но кельтены.

2. Тупатэно, что Всесоюзной Сельскохозяйственной Выставкалэн участник'ёсыз луыны быгато:

- а) колхоз'ёс, совхоз'ёс, машинно-тракторной станцияос, колхозной животноводческой фермаос, племенной колхозной но совхозной фермаос, селекционной но опытной станцияос, научно-исследовательской учреждениеос;
- б) колхоз'ёслэн председател'ёссы, машинно-тракторной станцияослэн, машинно-тракторной мастерскойёслэн, совхоз'ёслэн директор'ёссы но соослэн заместител'ёссы, совхоз'ёслэн сделениосылэн но фермаосылэн управляющейёссы, колхозно-животноводческой фермаослэн заведующийёссы;
- в) бусы ужысь, пудо вордоньсы, бача сонн будэтоньсы, емпыно сад будэтоньсы но сельской хозяйстволэн мукет отрасл'ёссыз азымынсьёс, тракторист'ёс, комбайнерт'ёс тракторной бригадоослэн бригадир'ёссы, этин ишкисьёс, шоферт'ёс, машинаосты тупатэны бордын ужысь квалифицированной рабочийёс но мукет'ёсыз;

г) земельной но совхозной организациос умой ужалэсь образц'ёссэ возматэмзы ужысь специалист'ёс; выль но устойчивой урожай басытыны быгатэм агроном'ёс; машинно-тракторной станцияослэн выль производительност'ёсэ басытыны быгатэм инженерт'ёс, механизаторт'ёс но механик'ёс; асьсэлэн обслуживать кароно колхоз'ёссыз но совхоз'ёссыз пудолэсь выль продуктивност'ёс басытыны быгатэм зоотехник'ёс; пудо улл'ёсын вöлмем висёвн'ёсты (эпизоотиез) быдтыны но пудо йырлыдэз утылтыны быгатэм ветврач'ёс но ветфельдшер'ёс; выль бечлыко сорт'ем будэс'ёс но выль продуктивност'ёс пудо будэтыны быгатэм селекционер'ёс; опытник'ёс но хата лабораторияослэн заведующийёссы; пудолэсь муры кылдэзэ быдтыны быгатэмт'ёсыз искусственной осеменение бордын ужысь;

д) научной работниг'ёс, изобретател'ёс но рационализатор'ёс.

3. 1941 арын Всесоюзной Сельскохозяйственной Выставкан участвовать карыны право сётэно сыче колхоз'ёслы, совхоз'ёслы, машинно-тракторной станцияослы но колхоз'ёслэн пудо вордон фермаоссылы, куд'ёсыз:

Нырысь ик шорлыдын 4 ар кустын—1937, 1938, 1939 но 1940 ар'ёсын—культураослэн урожайзы но пудо вордонлэн продуктивност'ёсыз яке машинаослэсь производительност'ёсэ жутоон басытыны быгатыны сыче показател'ёссыз улти овёл, куд'ёсыз тупатэмы Всесоюзной Сельскохозяйственной Выставкалэн Главной Комитетэнын 1939 арын 16 феврален но юматэмын СССР-лэн Совнаркомезлэн республикаос, крайт'ёс но област'ёс понна

соослэсь зональной особенност'ёссэ но кизем площадымысь быдэлазэ лыдэ басытыса;

Кытэтэтиез, 1937, 1938, 1939 но 1940 ар'ёсын продукция сётэно **государствоз азын обязательствозэс быдэстись** быдэсак.

4. Всесоюзной Сельскохозяйственной Выставкан участвовать карыны право сётэно социалистической сельской хозяйстваослэн сооссылы азымынсьёсызлы, кин'ёслэн кунын ар кустын—1938, 1939 но 1940 ар'ёсын басытм показател'ёссы, шор лыдын вераса, сельской хозяйстволэн азымынсьёсыз понна Всесоюзной Сельскохозяйственной Выставкалэн Главной Комитетэзлэн 1939 арын 16 феврален постановлениеныз учкем но СССР-лэн Совнаркомезлэн юматэм показател'ёслэсь улти овёл.

5. Всесоюзной Сельскохозяйственной Выставкан участвовать карыны право сётэно сооссылы селекционной но опытной станцияослы, куд'ёсыз 1937, 1938, 1939 но 1940 ар'ёсын производственной планэз быдэстись, нош научно-исследовательской учреждениеослы—котькуд нимаз учере Всесоюзной Сельскохозяйственной Выставкалэн Главной Комитетэзлэн нимсытыз постановлениенэз.

6. 1941 арын Всесоюзной Сельскохозяйственной Выставкалэн участник'ёсыз понна кельтоно ваньэз премиосы но наградаосты, куд'ёсыз тупатэмын „1940 арын Всесоюзной Сельскохозяйственной Выставкалэн участник'ёсызлы премиос но наградаос сярысь“ СССР-лэн Совнаркомезлэн но ВКП(б)-лэн ЦК-езлэн постановлениеныз.

(ТАСС).

### Красной Армиэлэн частьёсыз Литвае вуизы

Минск, 15 июне. Туннэ 15 часын советской танковой частьёс но мото-пехота литовской граница вамен потызы но жытазе Вильно, Каунас, Кедайвяй город'ёсы пыризы. Советской войскаослэн мынонзы

ноныче инцидент'ёстэк планомерно ортче.

Каунас, 15 июне. Туннэ 17 час но 45 минутэ советской танковой частьёс но моторизованной пехота Каунасы вуыны кутскизы. Городын бадзым оживление. Каунасын

улысь калык дасо сюрс'ёсын улчаосы потыса, киоссэс чапкыса, «ура» кескылыса эчкылало советской войскаосты. Красноармеец'ёслы но командир'ёслы соос сясыкаос сёт'яло.

ТАСС

## Комсомольской организация кылдытэмын

Кваляр колхозын (Коршеви-хино сельсовет) первичной комсомольской организация ой вал. Татын Арсентий Тимофеевич Максимов эш ог-няз комсомолец вал.

Водоём'ёсты кылдытон но нылкышно трактористкаосты дасян пумысь вопросэн чош РК ВЛКСМ-лэн представите-лез Дерендяева эш комсо-мольской организация кыл-дытон сярэсь егит'ёс пöлын валэктон уж нуиз. Со ва-лэктыз комсомоллэсь задачазэ но мукет.

Озы егит'ёс пöлын мас-совой уж нуэмен, 10 мурт ныл'ёс но пиос комсомолэ пырыны заявениос сёттызы. ВЛКСМ райкомлэн решени-ез'я та колхозэ кылдытэмын первичной комсомольской ор-

ганизация. Егит комсомолец-ёс комсомольской организа-цилэн секретареныз А. Т. Максимов эшез бырыны на-метить каризы.

Та выль комсомольской ор-ганизация колхозной егит'ёс но колхозник'ёс пöлын мас-совой уж нуонэз эшшо но куж-моятыны обязательство бась-тйз.

Асьме районын та гуртын сяна но егит ныл'ёс но пиос уно. Тани Ишоур колхозын туж умой комсомольской ор-ганизация кылдытыны. Озы комсомоллэсь задачазэ валаса вань егит калыкы Кваляр-ской первичной комсомоль-ской организацилэсь пример басьтоно.

Баженов.

## Призыв азелы умой дасясько

Районыстымы Куд-ог ком-сомольской организациосын паськит вöлмиз Красной ар-мие но Военно-Морской Фло-тэ призывлы дасяськон. До-призывник'ёс—комсомолец'ёс пöлысь колхозной производ-ствоын уноез стахановец'ёс луо. Активно изучать каро военной ужез.

Н-Слудка колхозысь допри-зывник'ёс—комсомолец'ёс во-енной кружок организовать каризы, кытын 19 мурт ды-шетско военной ужлы, соос РККА-лэн устав'ёсыз'я зани-маться карисько. Со сяна оборонной значек'ёслы нор-маос сдать карыло. Тужгес но та уж'ёс'я отличиться кар-иське комсомолец Агафонов Аркадий Павлович, кудйз 3 оборонной значек иметь каре

ни но 4-тиезлы сдать карыны дасяське. Та колхозысь комсо-молец'ёслэсь уг кылё Чаново но Ягул колхоз'ёсысь комсо-молец'ёс, куд'ёсыз умой да-сясько призыв азе.

Нош тани чош верано луэ, что районной СФК но осова-иахим со азинскон'ёсты под-держат уг каро. Призывлы умой дасяськон опыт'ёсты мукет'ёсызлы применять кар-рон уг нуо. Соин ик призыв азелы умой дасяськись комсо-мольской организациос райо-намы одйг-ог гинэ лид'ясько.

ВЛКСМ-лэн райкомезлы, районной СФК но осоваиа-химлы та ужын тырмытэос-ты палдуртыса зол-зол ужаны кутсконо чтобы призыв азелы образцово дасяськыны.

Агафонов.

## Красной уголок организовать каремын

Пышкец колхозысь комсо-молец'ёслэн но несоюзной егит'ёслэн инициативазыя кол-хозын красной уголок органи-зовать каремын. Отын колхо-зысь егит'ёс люкасыкыса шулдыр но культурно дырзэс ортчыл'яло.

Озы ик колхозын физкуль-турной площадка лэсьтэмын, кытын котькуд жыт колхо-зысь вань егит'ёс физкуль-турной номер'ёс но мукет шудон'ёс ортчыл'яло.

А. Агафонов.

## Асьсэлэсь обязанностьэс валаса ужало

Слудской сельсоветысь, Пыш-кец колхозын Е. Горбушина эш трахестра лубыса ужа. Кык толэзь ужан чожаз уноез колхозник'ёс но колхозницаос валазы ни солэсь умой ужам-зэ. Зэм но Горбушина эш тра-хоматозной пунктэ син лечить карыны лыктэм калыкен умой вазиське но сямсысь турт-ске трахомаез лечить кары-ны. Трахпунктэ лыктэм калык-лэсь чем дыр'я кылөд тазы вераськемзэс.—„Ой на вал ми-лям та дырозь таце умой трахестрамы“.

Горбушина эшлэсь умой ужамзэ тодыса куд-ог мукет гурт'ёсысь, но трахестразы ке но вань, Горбушина доры

трахомазэс лечить карыны ветло. Кылсярысь, Усть-Пыш-кец, Н-Слудка но мукет гурт'-ёсысь калык'ёс вуыло.

Озы ик умой ужа Ягул колхозысь трахестра, Перево-щикова эш но, та быгатйз ужез умоятыны но умой обра-щаться кариське та доры ле-читься карыськыны лыктэм калыкен.

Районыстымы вань трах-естраослы Горбушина но Перевощикова эш'ёслэсь при-мер басьтоно, таослэсь умой ужан опытэс ас ужаз пере-нять кароно. Нош райздрав-лы эшшо но таослы умой ужан условиос сөтоно.

П. Баженов

## СССР-лэн Наркомюстаз

СССР-лэн Юстициезлэн На-родной Комиссарез Н. М. Рыч-ков эш вань народной, облас-тной но Верховной суд'ёслы бадзым вниманиэс вис'яны ко сйз интыысь транспортын прес-туплениосын нюр'яськонлы. Автотранспортын авариос луэм сярэсь уж'ёсты сопс эс-кероно луо уж судэ вуэм бере-кык арнялэсь бере кылытэк.

Секуит последствиосын луэм авариос сярэсь уж'ёсты пока-

зательной процесс'ёсын эске-рылоно.

—Уката ик нюр'яськонэз кужмоятоно злостной авария-щик'ёсын,—шуэмын Нарком-лэн приказаз. Злостной авари-щик'ёслы суд'ёс наказани-лэсь дополнительной мераос-сэ кутано луо, куд'ёсыз учке-мын союзной республикаос-лэн уголовной кодекс'ёсазы—аварийщик'ёслы автомашина-осын водитель лубыса ужал-лэсь дугдытоно но мукет.

## Физкультурной ужез умоятоно

Асьме странаын трудящой-ёсты коммунистически воспи-тать карон ужын физкультура но спорт вис'янтэмесь луо. Советской правительство, пар-тия но лично Сталин эш ась-ме странаын физкультураез вöлмытон сярэсь нуналмысь сямсысько. Городын, колхоз'-ёсын трудящойёс азылане но спортэз вöлмытон мероприя-тиосты шумпотонэн пумитало, малы ке шуоно, соин, что со советской патриот'ёслэн закон-ной мылкыдзылы но сямсысь-кемзылы етвечать каре-стра-налэн оборонаезлы но ужан-лы дась луонлы.

Берло ар'ёс кустын, район-амы физкультурной движение паськит вöлмиз, райцентрысь но колхоз'ёсысь егит'ёс та ужын бадзым мылпотонэн участвовать каро. Тани, ба-сьтом Пышкец колхозысь первичной осоваиахимовской организациез. Та организаци-лэн кивалтисез Ушаков эш оборонно-физкультурной ужлы дышетскон борды колхозысь уно егит'ёсты кыскыны быга-тиз. Егит'ёс асьсэлэсь вань-мон дырзэс волейболэн шуды-са но мукет оборонно-физ-культурной уж'ёсын ортчыл'-яло. Военно-физкультурной уж план'я нуыське. Та колхозысь егит'ёс красной армилэн ра-даз куинь, ньыль оборонной значек'ёсын мыныны дасясь-ко.

Озы ик умой ужало Шу-дегово, Ягул колхоз'ёсысь первичной осоваиахимовской организациос. Тол сезон дыр'я та организациосын куасэн эт-лыны дышетскон ортчыл'ямын. Али волейболэн шудон но

мукет оборонно-физкультур-ной мероприятиос ортчыл'ясь-ко.

Нош азинскон'ёсын чош ик бадзымесь тырмытэ интыос но вань. Тани физкультурной уж урод пунктэмын Коршеви-хинской сельсоветысь Папого-во колхозын, Понинской сель-советысь „Правда“ колхозын, Почашевской сельсоветысь Зо-лотари колхозын. Та колхоз'-ёсын пöртэм спорт'ёсты ор-ганизовать карыны природной условиос но вань. Кылсярысь „Правда“ колхозын прудзы но вань, уян'я спорт органи-зовать карыны луэ.

Выль верам колхоз'ёсын егит'ёслэн лыдзы трос, спор-тивной ужез пуктыны луон-лык вань. Папогово колхозын п а р т и й н о й н о ком-сомольской организациос но вань, нош та ужез лыдэ бась-тыны уг сямсысько, осоваиа-химовской организацилы юрттэт уг сөто.

Гужем спортивной сезонын осоваиахимовской организаци азын бадзымесь задачаос сыло. Вань предприятияосын, колхоз'ёсын, школаосын физ-культурной, коллективёс кыл-дытоно. Физкультурной уже паськит массаез кысконо, площадкаос, водной станциос лэсьтоно. Пыласькон интыос-ын мед луоз тырмыт инвен-тарь.

Пöртэм соревнованиосын физкультурниклэн н у н а л а з районамы 250 мурт'ёс участво-вать карозы. Физкультурник-лэсь нуналзэ спортивной ужен, выль, бадзымесь азин-скон'ёсын пумиталомы.

Белоруссилэн Западной областиёсиз город'ёсын но селоосын ЗАГС-ёс усъ-тэмын.



Крупники гуртысь крестья-нин-белорусс А. Н. Дья-ковский ас сельсоветаз нылызлэсь вордскемзэ ре-гистрировать каре. Бато-чевской сельсоветлэн сек-ретарез В. В. Зайковская шудо айызэ поздравлять каре.

## Ку телефонной связь кулэез'я ужалоз?

Котыкыче мероприятиосты орчтытонын бадзым роль нуэ телеграфной но телефонной связь. Соин ик котькуд органи-зация но учреждение туж чем дыр'я связьлэн контораез вазиськоно луо. Нош кызы асьме районын связьлэн кон-тораез со вазиськон'ёсты удо-влетворять каре? Но кызы но уг луы вераны, что со кулэ-ез'я ужа шуса. Малы ке шуо-но, нырысь ик почталэн кон-тораез одйг телефон но өвöl. Почталэсь начальниксэ Тюле-невез учтаса но уд шедьты.

Районамы телефонной связь туж урод ужа. Куд дыр'я кышкыт телефон борды кут-скыны черек'ясыкыса куара чугдэмлэсь. Нош со сэрэн кинлы вералод, кинэ косод телефонной связь кулэез'я мед ужалоз шуса, веть почталэсь ужасьсэс шуг шедьтыны, соос калыклэсь палэнкыса ужало, соин сэрэн ик конто-раязы телефон но уг пукто.

Ку телефонной связь кулэ-ез'я ужалоз? Клиент.

## СЕЛЬКОРЛЭН ГОЖТЭТЭЗ

Милемлы, селькор—Афо-нин эш гоштэ, что Бадзым-шурской сельсоветысь куд-ог колхоз'ёсын ю октон-калтон азелы дасяськон чидантэм ляб мынэ. Колхоз'ёсысь 9 ке-бит'ёс пöлысь 4-ез гинэ ужа-ло. Тужгес но ляб пунктэмын со уж Подгорной, Малахи колхоз'ёсын. Та колхоз'ёсысь кивалтисьёс ю октон-калтон азелы дасяськонэз ас эрказ лэзизы. Сельхозмашинаосты но мукет кулэ луйсь тырлык'-ёсты кебитын тупат'янез орга-низовать карон интые, ду-рисьсэс мукет уж'ёсын ужато.

Редакторез воштысь Н. Баженов.

Бывшой графской поместиын Индура (местечкалы матэ (Гродненской район) 40 месталы больница усътэмын.



Больницалэн зданиез, кытын али матысь селоосысь крестьян'ёс лечиться карисько.